

ՄԱՀԱԳՐԱԿԱՆՆԵՐ

ԳՐԻԳՈՐ ԱՃԵՄԵԱՆ
(1933-2024)



Մխիթարություն է, որ ի տարբերություն Գուրգեն Մահարու՝ գրեթե ամբողջությամբ արժույթներով ու հալածանքներով ողբերգական կեանքի, նրա յետմահու՝ գրական ժառանգության հրատարակման ու հանրահռչակումն անելի բարեբաստիկ եղաւ։ Մահարու առաջին կնոջից՝ Օֆելիա Աագեանից 1933ի Սեպտեմբերի 14ին ծնուած որդին՝ Գրիգոր Աճեմեանը, իօր մահից գրեթէ ան-

միջապէս յետոյ ձեռնամուխ եղաւ Գորգէն Մահարու ստեղծագործութեան ու ընդհանրապէս գրական գործունէութեան ուսումնասիրմանն ու համակարգմանն՝ յընթացս մասնակցելով նաեւ կարեւոր հրատարակութիւնների: Հակառակ որ նա՝ ստացած կրթութեամբ ու մասնագիտութեամբ այնքան էլ կապ չունէր գրականագիտութեան հետ: Աւարտել էր Մոսկուայի Մենդելեւի անուան քիմիկո-արիեստագիտական ինստիտուտը: Բայց հօր ու նրա գրական ժառանգութեան հանդէպ որդիական պարտքը մղեց նրան ոչ միայն խորանալ նաեւ գրականագիտութեան մէջ, այլեւ թեզ պաշտպանել եւ ստանալ բանասիրական գիտութիւնների թեկնածուի գիտական աստիճան:

Շուրջ 40 տարի Աճեմեանը մամուլի ամենատարբեր հաւաքածուններում, արխիւներում, տարբեր անձանց հետ շփումների ու նամակագրութիւնների արդիւնքում հաւաքում, համակարգում եւ ի մի էր բերում Գուրգէն Մահարու հեղինակած ամէն մի ստեղծագործութիւն, յօդուած, նախադասութիւն, բառ ու նամակ, նաեւ՝ Մահարուն վերաբերող յօդուածներ, գրախօսութիւններ, կարծիքներ, տեսակէտեր: Այդ ընթացքում իր աշխատասիրութեամբ լոյս տեսան նախ՝ *Ծաղկած փշալարեր* վիպակը (1988), այնուհետեւ՝ Գուրգէն Մահարու՝ դեռ 1960ականներից սկսուած երկերի հնգատորեակի վերջին՝ հինգերորդ հատորը, *Այրուող այգեստրաններ* (2004), *Երգիծանք եւ հումոր* (2004), *Անանձնային* (2004), *Արդամներեան գիշերներ* (2006), *Սիրիրական* (2011), *Ջարենց-Նամէ* (2012) գրքերը, որոնցից իւրաքանչիւրն անպայմանօրէն ներառում էր որեւէ նոր, նախկինում անյայտ որեւէ գործ, հատուած, պարբերութիւն Մահարու գրական ժառանգութիւնից:

Սրան զուգահեռ Աճեմեանը պարբերաբար յօդուածներով ու հրապարակումներով հանդէս էր գալիս նաեւ մամուլում (նաեւ *Հայկազեան հայագիտական հանդէսում*): Նրա յօդուածների մեծամասնութիւնը բանավիճալիք

բնույթ ունի. դրանք միտուած են բացայայտելու ժամանակի գրական տարբեր գործիչների վերաբերմունքը Մահարու հանդէպ եւ վերհանելու կարելիութիւնները: Այդ յօդուածները յետագայում ի մի բերուեցին իր *Մահարիական* (2018) գրքում, որը շատ կարելիութիւններ տալով դարձաւ մահարիագիտութեան մէջ: 2023ին լոյս տեսաւ Աճեմեանի *Լուսնի չերեւացող կողմը* (յուշեր, ուղեգրութիւն, արձագանգ) ժողովածուն:

Գրիգոր Աճեմեանի՝ տասնամեակների այդ աշխատանքի պսակը եղաւ Գուրգէն Մահարու երկերի լիակատար ժողովածուն 17 հատորով («Անտարէս» հրատարակչութիւն), որի աշխատանքները մեկնարկեցին 2012ից: Հատորների հրատարակմանը զուգահեռ Գրիգոր Աճեմեանը շարունակում էր ուսումնասիրութիւններն ու պրպտումները, անընդհատ հարստացնում հատորների ծանօթագրական բաժինը, զուգահեռ կազմում էր Մահարու կեանքի եւ ստեղծագործութեան մատենագիտութիւնը, որը հսկայական աշխատութիւն է՝ մօտ 3000 էջ ծաւալով, նաեւ աշխատում էր *Գուրգէն Մահարին ժամանակակիցների յուշերում* գրքի վրայ:

Այս նուիրումները, հետետղականութիւնը, ջանքը, եռանդը, սէրը, որ Աճեմեանը դրեց Մահարու գրական ժառանգութեան հրատարակման ու մեկնաբանման գործում, յուզիչ էր անչափ՝ օրինակելի լինելուց գատ:

17 հատորների հրատարակման ամբողջ ընթացքում մշտապէս շփուելով, աշխատելով, նամակագրուելով ու յարաբերուելով Աճեմեանի հետ՝ կարող եմ վկայել, որ նրա կեանքի իրաքանջիւր թաղէն ապրում էր Մահարու համար: Սա միայն որդիական պարտք համարելը չափազանց պարզ ու սովորական կը լինէր: Դա ամէլի շատ նաեւ ողբերգութեան յաղթահարում էր՝ անհայր ու «ժողովրդի թշնամու որդու» պիտակով անցած մանկութեան, հօր հետ ոչ միանշանակ յարաբերութիւններով անցած երիտասարդութեան ողբերգութեան յաղթահարում, իր խոստովանութեամբ՝ Մահարու մեծութեանը ժամանակին այդքան էլ գիտակից չլինելու ողբերգութեան:

Աշխատանքային մի դրուագ ամէլի պարզ պատկերացում կը տայ այն մեծ ողբերգութեան մասին, որ, այդուհանդերձ, հոգու խորքում ապրում էր Աճեմեանը: Երբ ամենատարբեր տեղերից ու ամենատարբեր մարդկանցից, երբեմն՝ ամենաանհնար ձեւերով հաւաքում էր Մահարու նամականին, մի օր հարցրի. «Հասցէատէրերի մէջ միայն քո անունը չկայ, քեզ նամակ չի՞ գրել Մահարին»: Այս հարցի պատասխանը անմիջապէս չեղաւ, այլ որպէս ծանօթագրութիւն արտացոլուեց երկերի համապատասխան հատորում: Աճեմեանը հօրից ստացել է չորս նամակ արքայազնից եւ մի նամակ ճամբարից (երրորդ մարդու միջոցով): Այդ նամակները չեն պահպանուել. մօր խորհրդով՝ ամէլորդ քաջքուկների, հարցաքննութիւնների եւ այլ՝ ժամանակին բնորոշ երեւոյթների մէջ չյայտնուելու համար Աճեմեանը այրել է դրանք: Այնինչ, իր՝ Մահարուն գրած ամէլի քան 20 նամակները պահպանուել են. . .

Մահարու երկրորդ կնոջ՝ Անտոնինայի մահից յետոյ նրա տանը յայտնաբերուեցին Մահարու բազմաթիւ նոր ձեռագրեր, ամբողջական գործեր, նամակներ, որոնցից շատերն արդէն հրատարակուած հատորների ծանօթագրութիւններում նշուած էին որպէս չյայտնաբերուած կամ կորած գործեր:

Աճեմեանը նոր ոգեւորութեամբ անցաւ գործի՝ հրատարակութեան պատրաստելով Մահարու երկերի լրացուցիչ՝ 18րդ հատորը, որի վրայ աշխատում էր մինչեւ իր վերջին շունչը:

Մեր անձնական գրոյցներում Աճեմեանը, կատակով թէ լուրջ, միշտ ասում էր. «Հայորները որ ասարտենք, ի՞նչ եմ անելու: Մի բան պիտի յօրինենք, թէ չէ կը մեռնեն»: Եւ այն, որ Աճեմեանը մահացաւ հենց այն օրը, երբ վերջին վերջակէտը դրեց Մահարու 18րդ հատորում, այդ առումով չափազանց խորհրդանշական է եւ չափազանց առարկայականացնում է, թէ ի՞նչ է նշանակում աշխատել մինչեւ վերջին շունչը:

Այն, ինչ արեց Գրիգոր Աճեմեանը, ուղղակի փայլուն յենք է Գուրգէն Մահարու գրական ժառանգութեան ուսումնասիրութեան, գնահատման, արժեւորման համար, եւ գալիք տասնամեակներում Մահարու կեանքին ու գործին յարաբերուող իրաքանչիւր ընթերցող, գիտնական, արուեստագէտ, վստահաբար, իր շնորհակալութիւնը կ'ասի Գրիգոր Աճեմեանին:

Գրիգոր Աճեմեանը մահացաւ 2024ի Յուլիսի 30ին, Երեւան:

ԱՐՔՄԵՆԻԿ ՆԻԿՈՂՈՍԵԱՆ (arqmenik@gmail.com)



ԼԱԼԻԿ ԽԱՀՆԱՏՐԵԱՆ
(1952-2024)

Հայ լեզուաբան Լալիկ Մնացականի Խաչատրեանը ծնուել է 1952ին, Կամօ քաղաքում (այժմ՝ Գաւառ): Նրա անցած ճանապարհն ուսանելի օրինակ է ուսանողութեան համար՝ մաքառելու, արարելու եւ գիտական բարձունքներ նուաճելու նպատակասլաց ձգտումով: 1982ից դասաւանդել է գրաբար, արդի հայերէն, հայոց լեզուի պատմութիւն,

լեզուաբանութիւն՝ Խ. Աբովեանի անուան հայկական պետական մանկավարժական համալսարանի (ՀՊՄՀ) հայոց լեզուի եւ նրա դասաւանդման մեթոդիկայի ամբիոնում: 1983-85՝ սովորել է Մոսկուայի օտար լեզուների պետական դասընթացներում, գերմաներէնի մասնագէտի որակաւորմամբ: 1997ին՝ ստացել է բան. գիտ. դոկտորի գիտական աստիճան, 2003ին՝ պրոֆեսորի կոչում: 1997-2003՝ Հալէպի «Հայագիտական դասընթացներում» դասաւանդել է գրաբար եւ հայ հին գրականութիւն: 2007ին Սպահան քաղաքում անցկացրել է հայկական դպրոցների ուսուցիչների վերապատ-

րաստման դասընթացները: 2001-13 եւ 2015-16՝ եղել է ՀՊՄՀ հայոց լեզուի եւ նրա դասաւանդման մեթոդիկայի ամբիոնի վարիչ: 2019ից մինչեւ իր մահը վարիչն էր ՀՊՄՀ Լեզուաբանական հետազոտութիւնների գիտական լաբորատորիայի, որ կարճ ժամանակահատուածում զգալի յաջողութիւններ է արձանագրել հայագիտութեան ասպարէզում:

Ղեկավարել է 20 հայցորդների եւ ասպիրանտների գիտական աշխատանքներ: Մեծ էր պրոֆեսորի ներդրումը մագիստրոսական կրթական համակարգում նոր դասանիւթերի եւ ծրագրերի մշակման եւ նրանց դասաւանդման գործում:

Բաւական լայն են Պրոֆեսորի գիտական մտահորիզոնի սահմանները՝ հին հայերէն, բառերի ձեւաբանական իմաստի եւ արժեքի պատմական տեղաշարժեր, բառակապակցական իմաստաբանութիւն, հայոց լեզուի տեսութիւն, ընդհանուր լեզուաբանութիւն, փոխառութիւնների հարցեր, կաղապարաւորման տեսութիւն, պատմական քերականութիւն, բառարանագրութիւն եւն.: Առաւել ընդգրկուն է նրա ներդրումը բուհական համակարգի դասագրքաստեղծ ոլորտում. որով ժամանակակից մեթոդաբանութեամբ մատուցում են դասընթացների բովանդակութիւնը եւ նպաստում հայագիտական առարկաների համակողմանի իւրացմանը: Հրատարակել է շուրջ 200 գիտամեթոդական աշխատանք եւ գիտական յօդուած՝ հանրապետութեան եւ արտերկրի գիտական հանդէսներում (նաեւ *Հայկազեան հայագիտական հանդէսում*): Այս ուսումնասիրութիւնները լուրջ ներդրում են նաեւ հայագիտութեան ասպարէզում:

Հեղինակ է մեծաթիւ գրքերի՝ *Տեղաշաժեր բառերի ձեւաբանական իմաստի մէջ* (1985), *Հայոց լեզուից 50 հարցարան* (համահեղ.՝ Պ. Բեդիրեան, Դ. Գիւրծինեան, 1992), *Խօսքիմաստային տարարժէքութիւն արդի հայերէնի կայուն կապակցութիւններում* (1996) *Հայոց լեզու. հարցարանների ժողովածու* (համահեղ. Դ. Գիւրծինեան եւ ուրիշներ, 1997, 1998), *Գրաբարի տարարժէք բառերի բացատրական բառարան* (1998), *Հայոց լեզուի հարցաշարերի շփեմարան* (համահեղ. Լ. Եզեկեան եւ ուրիշներ, 2001-5), *Գրաբարի բացատրական բառարան* (2003), *Գրաբարի դասագիրք* (համահեղ.՝ Գ. Թոսունեան, 2004), *Հայոց լեզու, գրականութիւն* (Հանրակրթական դպրոցի առարկայական չափորոշիչ եւ ծրագիր, համահեղինակ, 2006), *Հայոց լեզու. դասագիրք 7րդ դասարանի համար* (համահեղ. Ֆ. Խլղաթեան, 2006), *Լեզուաբանութեան ներածութիւն* (2008), *Թելադրութեան բնագրերի ժողովածու* (համահեղ. Յովհաննէս Նազարէթեան եւ ուրիշներ, 2009), *Հետաքրքրաշարժ լեզուաբանութիւն* (2010), *Գրաբարի ուսումնական բառարան* (2013), *Բառակազմական եւ ձեւաբանական կաղապարները ժամանակակից հայերէնում* (2014), *Բառաշխարհի գաղտնիքները. յունալատինական փոխառութիւններ* (2014), *Համեմատութիւն դարձուածային արտայայտութիւնները հայերէնում (5-16րդ դարեր)* (2015, համահեղինակ), *Հայոց լեզուի պատմութեան դասընթաց* (գրային ժամանակաշր-

ջան) (համահեղ. էդ. Մկրտչեան, 2016), *Ընդհանուր լեզուաբանության դասընթաց* (2017), *Լեզուաբանական տերմինների ուսումնական բառարան* (այն 2022ին արժանացել է Հայաստանի Թեքեան մշակութային միության մրցանակի):

Նրա գիտամանկավարժական, հասարակական գործունեությունը բարձր է գնահատուել: Պարգևատրուել է ՀՀ Լեզուի պետական կոմիտեի պատուոգրով, ՀՊՄՀ «Խաչատուր Աբովեան» յուշամեդալով (2003), «Ֆրիտոֆ Նանսեն» յուշամեդալով (2008), Հայաստանի ազգային գրադարանի «Յակոբ Մեղապարտ» յուշամեդալով (2010), ՀՀ Սփիուքի նախարարության «Մայրենիի դեսպան» մեդալով (2011), ՀՀ ԿԳՆ «Ոսկե յուշամեդալ»ով (2012): ՀՀ նախագահի հրամանագրով պարգևատրուել է նաև «Մովսես Խորենացի» մեդալով (2022):

Լալիկ Խաչատրեանը մահացավ 3 Նոյեմբեր 2024ին, Երեւանում:

ԱՇՈՏ ԳԱԼՍՏԵԱՆ (ash.galstyan@mail.ru)

ԱՆԱՀԻՏ ՉԱՐԵՆՑ

(1935–2024)



Գրականագետ Անահիտ Չարենցը ծնուել է 1935ի Յունիսի 7ին, Երեւանում: Եղիշէ Չարենցի կրտսեր դուստրն էր: Ստալինեան բռնաճնշումների տարիներին՝ 1937ին, կորցրել է հորը, միքանի ամիս անց մորն՝ Իզաբելա Մալունցեանին աքսորել են Ղազախստան: Աքսորից ազատուելուց յետոյ Իզաբելան մնացել է Ղազախստանում, որտեղ էլ ամուսնացել է: Անահիտը մեծացել է մօրական

տատի մօտ: 1953ին ընդունուել է Երեւանի բժշկական ինստիտուտ, մէկ տարի անց՝ Երեւանի պետական համալսարանի բանասիրական բաժանմունք: Այն աւարտել է 1959ին եւ աշխատանքի անցել Րաֆֆու անուան միջնակարգ դպրոցում որպէս հայոց լեզուի եւ գրականութեան ուսուցչուի: 1962-89՝ աշխատել է ՀՀ ԳԱԱ Մանուկ Աբեղեանի անուան գրականութեան ինստիտուտի բնագրագիտութեան բաժնում որպէս աւագ գիտաշխատող: Մասնակցել է Յովհաննէս Թումանեանի, Րաֆֆու, Դերենիկ Դեմիրճեանի գիտական հրատարակութիւնների պատրաստման աշխատանքներին: 1963ին դասախօսել է «Գիտելիք» ընկերութեանը կից ժողովրդական համալսարանում: Մեծ ներդրում է ունեցել չարենցագիտութեան զարգացման բնագաւառում: 1955ից հետետղականօրէն զբաղուել է Եղիշէ Չարենցի ձեռագրերի յայտնաբերման, ուսումնասիրման եւ ստուգաբանման աշխատանքներով: Մասնաւորապէս զբաղուել է Չարենցի՝ նկարչուի Ռեզինա Ղազարեանի փրկած ձեռագրերի ուսումնասիրմամբ եւ վերծանմամբ, ո-

րոնք մնալով հողի տակ՝ խոնաութիւնից դարձել են դժուարընթեռնելի: 1975ին պաշտպանել է թեկնածուական՝ «Եղիշէ Զարենցի ստեղծագործական վերջին շրջանը (1934-1937)» նիւթով: Աւելի ուշ ստացել է բանասիրական գիտութիւնների դոկտորի աստիճան: Հրատարակել է *Զարենցի ձեռագրերի աշխարհում* մենագրութիւնը, իսկ 1983ին՝ Եղիշէ Զարենցի *Անտիպ եւ չհաւաքուած երկեր* մեծածաւալ ժողովածուն: Առանձին գրքոյկով հրատարակել է նաեւ Զարենցի *Կոմիտաս* պոէմը, պոէմների ժողովածու, Զարենցի ստեղծագործութիւնների *Հապրնարիւր*, Զարենցի երկերի չորսհատորեակը (1986) եւ *Վերջին խօսք* երկերի ժողովածուն (2007): Հեղինակել է 30ից ւելի յօդուածներ, որոնք տպագրուել են Երեւանի պետական համալսարանի *Զարենցեան ընթերցումներ-8* հատորում, 2003ին Քոլումբիայի (ԱՄՆ) համալսարանի կողմից լոյս ընծայած *Յեղափոխութեան պոէտը* յօդուածների ժողովածուում (խմբ.՝ Մարկ. Նշանեան), Քանատայի, Հոլանտայի գիտական հանդէսներում: Դասախօսութիւններով շրջագայել է ԱՄՆում, Քանատայում, Եւրոպայում: Քրոջ՝ Արփենիկ Զարենցի հետ, մեծ ներդրում է ունեցել Եղիշէ Զարենցի տուն-թանգարանի հիմնադրման եւ կայացման գործում, եղել է գիտական խորհրդի անդամ: 1985ին արժանացել է *Գրական թերթի* ամէնամեայ, 1988ին՝ Ամերիկեան միջազգային քոլէճի յատուկ, 2007ին՝ Եղիշէ Զարենցի 110ամեակին նուիրուած հանդիսութիւնների մրցանակներին, 2022ին՝ ՀՀ Երախտագիտութեան մեդալի:

Արփենիկ Զարենցը մահացել է 2024ի Յունիսի 29ին, Երեւանում:

<<<



ՎԵՐԱՊԱՏՈՒԵԼԻ ՊԱՐԳԵՒ Ն.
ՏԱՐԱԳՃԵԱՆ (1925-2023)

Վաստակաշատ հայ անտարանական հովիւ, խմբագիր, Քրիստոնէական ջանից ընկերակցութեան երիտասարդաց գործակատար վեր. Պարգեւ Տարագճեան ծնած է Ալեքսանտրէթի Գըրըք Խան ւաւնը 1925ին, պատուելի Նազարէթ եւ տիկին Արուսեակ Տարագճեաններու յարկին տակ: Փոքր տարիքին կորսնցուցած է հայրը: Հալէպի Բեթէլ վարժարանի նախակրթարանը ւարտելէ ետք անցած է գործի ասպարէզ՝ Հայ Աւետ. բեթէլ եկեղեցիին մէջ իր աշխուժ ներկայութեան կողքին: Աւելի ետք, գրախանութ բացած է Հալէպ:

Պէյրութ տեղափոխուած ուսումնատենչ երիտասարդը, ամուսնանալէն ետք, բարձրագոյն վարժարանի համապատասխան վկայագիր ստացած է 1958ին. նոյն տարի մը յաճախած է Հայկազեան գոլէճ, հուսկ՝ պսակաւոր արուեստից ու աստուածաբանական վկայականներ ստացած Մերձաւոր Ա-

րեւելքի Աստուածաբանական դպրոցէն եւ Պէյրութի Ամերիկեան համալսարանէն, 1965ին:

Հովուական եւ երիտասարդական գործունէութեան կողքին, վեր. Տարագճեան ծառայած է Մերձաւոր Արեւելքի Իայ Բաւարական եկեղեցիներու միութեան հրատարակչական մարզին, միաժամանակ յօդուածներ ստորագրած առաւելաբար *Ջանասէրի մէջ՝* կրօնական, Իայ Բաւարական, ազգային եւ հասարակական բազմազան նիւթերու շուրջ: Եղած է *Ջանասէրի, Պապանեկան արձագանգի* եւ *Լոյսի* խմբագիր՝ մինչեւ ընտանեօք ԱՄՆ մեկնումը 1974ին: Այնտեղ, ան շարունակած է իր ծառայութիւնը իբրեւ հովիւ Շիքակոյի Հայ Աւետարանական եկեղեցւոյ եւ Հիւս. Ամերիկայի Հայ Աւետ. միութեան պաշտօնաթերթ՝ *Ֆորումի* խմբագիր: Միաժամանակ կազմակերպած է օժանդակութիւնը՝ պաքուեհայ ընտանիքներու, որոնք ապաստան փնտռած են Շիքակոյի շրջանին մէջ: 1985ին կը հետեւի Լոյլա համալսարանի պատմական աստուածաբանութեան մագիստրական ծրագրին:

Վեր. Տարագճեան անգլերէնէ հայերէն թարգմանած է մանկապատանեկան գիրքեր: Հեղինակ է «Բողոքական շարժումը իր անցեալով ու ներկայով» յօդուածաշարքին (*Ջանասէր*, Յունուար 1967–Դեկտեմբեր 1969), ինչպէս նաեւ *Թոմպիկի արկածները* (իր մանկապատանեկան փորձառութեան մասին) (1969), *Armenian Evangelical Identity: Historical and Theological Perspectives* (1989), *Անփոխարինելի ժառանգութիւնը* (2004), *Աղօթագիրք – փոխասաց աղօթքներ* (2009), *Armenian Evangelical Movement: History, Faith and Mission* (2010) գիրքերուն:

Վերապատուելի Պարգեւ Ն. Տարագճեան մահացաւ 6 Ապրիլ 2023ին, Կլենտէյլ, Քալիֆորնիա:

ՎԵՐ. ՆՇԱՆ ԴԱԳԱԼԵԱՆ (nishan.bakalian@uaecne.org)